

於凡道途所經觸物感懷
輒形賦詠不以山川跋涉
之遠車馬馳驅之勞而或
廢也及入其國與其君臣
共論禮文應變適宜布宣
朝恩德卻其女樂示之以

其國君臣信從感悅已
致慕如神明矣及知公出
自館閣擇國中文學之臣
以為館伴公假辭色以俯
就之其人有操筆面肆矜
衒者公乃發舒其奇凡其

以詩來上一展觀頃依韻
即荅或有所求思如湧泉
信筆立就殊不經意而辭
旨超逸睥睨驅馭旁若無
人譬懸萬石之鐘叩有小
而大而其應不窮舉國始皆
愕歎仰無已以為

天朝自前使臨其國未見有
如公者也蓋公志在尊
朝廷服外夷不辱

君命故發於諸作其氣浩然
而其辭沛然也雍少與公

同遊京校公天材敏捷問
學克贍當時提學憲臣每
試居首深為所重舉為列
郡諸生勉諸生就試京闈
者爭願識其人其文名已
著矣及登第一甲進士

入官翰林涵養日深學
益辯博擢辭揮翰雅暢和
平四方之人求其文者無
虛日宜其一承使命而雄
才卓識厭服遠夷有如是
也今公由學士進少宗伯

致政家居其子岳舉進士
為翰林編修奉

命歸省嘗於公舊篋見公遺
藁棄不自惜恐遂散佚乃
手自輯錄并使事之紀述
縉紳之贈言國人之投獻

者合為四卷名曰遼海編
欲謀鏤梓以傳不朽適雍
赴官閩藩道過南京間訪
其家獲睹此編於是歎公
克盡使職為

國之華誠不宜以終泯也遂

捐俸命工以相其成而叙其棟檠於首云

成化五年冬十一月朔旦

賜進士朝列大夫福建承宣

布政使司左叅議吳門盧

雍序



遼海編目錄

詩二百八十三首

辭賦四首

記二首

銘一首

序跋五首

紀事一卷

卷之一

奉使留別

出城聯句

赴通州

宿潞河驛

觀宴群胡

過潞河

過河遇風

道傍土屋

赴三河

詠轉蓬

晚發三河

詠錯橋

赴薊州

漁陽懷古

薊州察院

晚發薊州

赴陽樊驛

陽樊道中

望陽樊

赴玉田

晚至玉田

晚發玉田

赴永濟驛

永濟道中

赴豐潤

晚至豐潤

晚發豐潤十首

詠銀城

晚發七家嶺

過灤河

晚發永平

赴蘆峰口驛

蘆峰道中

宿蘆峰口

晚發蘆峰

過洋河

宿榆關驛

晚發榆關

過海陽城

至山海關

出山海關

晚至前屯衛

晚發前屯

晚發東關驛

赴曹庄驛

浴寧遠湯泉

赴連山

塔山李將軍逐賊歌

赴凌河驛

元旦寫麥河

小凌河逢張詔使

望十三山

望醫巫閭山

過平洋橋

過沙嶺

遼河道中四首

赴牛庄驛

至海州衛

赴遼陽

曉發遼陽聯句

過高麗衝

頭館站道中

過東嶺二章

宿浪子山下人家

曉發浪子山

過盤道嶺

過嶺看山

宿新寨人家

曉發新寨

登高嶺

宿連山

出東關

過分水嶺六首

望龍鳳山

龍鳳站下營

曉發行營

入度河嶺二首

午飯草河口

望鳳凰山

鳳凰山古城

過開州站

赴湯站六言四首

湯站道中

曉發湯站

過鴨綠江

至義州義順館

曉發義順

過古津江

宿良策館

曉發良策

駐車輦館

過東林古城

宿林畔館

過同廬河

過雲興館

過堂於嶺二首

赴新安館

過達川

登嘉山嶺

過嘉平館

安興席上却女樂

曉發安興

至肅寧館

過於坡嶺

平壤竹枝詞三首

至平壤府

宴大同館

過大同江

駐生陽館

登黃州濟安樓

過黃海道

望海

登鳳山樓

至龍泉館

曉發龍泉

赴安城館

駐寶山館

過平山嶺

曉發金岩遇雨二首

過興義館

至金郊館

至開城府

開城席上却女樂

渡臨津江二首

赴王京

卷之二

謁成均館宣聖廟

鄭工曹詩附

和荅鄭工曹工曹詩附

再和荅鄭工曹工曹詩附

再和荅鄭工曹

再用韻兼小詩似鄭工曹工曹等詩附

雪霽登樓賦申林舟賦附

謝申汎翁成謹甫惠刀申林舟詩附

和荅申汎翁成三問申林舟詩附和荅成謹甫成三問鄭工曹詩附

詠綠萼梅鄭工曹詩附謝安平君惠字書

謝汎翁謹甫惠墨筆紙

梅竹軒 存養齋銘

竹堂 匪解堂記

希賢堂 讀書菴

漢江游記 留別諸封君

留別諸陪臣 留別都監

宿開城府成三問詩附 謁箕子廟

謁箕子墓 和荅工曹留別工曹詩附

和荅申汎翁申林舟詩附 和荅成謹甫成三問詩附

留別鄭工曹工曹詩附 和荅成謹甫成三問詩附

孝女四月詩申林舟詩附 留別金漢城

留別申汎翁申林舟詩附 留別成謹甫成三問詩附

和荅申汎翁

申林舟詩附

和荅成謹甫

成三原詩附

復和荅成謹甫

和荅申汎翁辭

申林舟辭附

東寄汎翁謹甫

次韻榆關有懷

陳緝熙詩附

題蘭亭圖

入山海有作

到京望關

唱和藁跋

卷之三

朝鮮紀事

卷之四

中朝贈言

序一首

詩二十五首

遼陽贈言

詩三首

朝鮮詠別

序前後二首

詩二十七首

跋一首

遼海編目錄畢

遼海編卷之一

奉使朝鮮留別館閣諸先生

大賚恩被徧九垓使臣何意及非材 龍文近

自 中朝出 鳳詔遙從外國開玉節西清遠

禁苑樓船東海望蓬萊歸裝想刺圖書在蕙蒨

明珠莫誤猜

出都城與司馬黃門聯句皆正統十四

年十二月十三日也

晚出崇文郭賓朋餞送多恂朔風吹駟騎斜日
映沙坡謙豈憚行程遠其如別思何恂郊天避

旌節幾度戒前訶謙

赴通州

朝罷聯鑣出 帝京征鞍行帶月華明莫言迢
迢經遼左纔是 皇郊第一程

宿潞河驛

昨日 帝城中今宵宿潞東一身 王命重萬里
使車通衾覆貂裘紫燈燒蠟炬紅嚴裝待明發
日色又曛曛

潞河驛觀宴群胡

雅髻纒裘滿道途館人云是朶顏胡紫貂名馬

能修貢醇酎肥羔盡 賜酺曾說周宣驅獫狁
還聞漢武制匈奴

皇仁無外咸歸化萬古稱藩壯 帝都

過潞河

潞河初度踏冰花驛騎翩翩去路賒武士追隨
懸虎韞征夫馳逐擁牛車平原蔓草鳴金鏑淡
日寒風捲白沙村墅荒涼跡如掃柴門空閉野
人家

過河遇風

渡河遇大風揚沙撲人面道逢營州兒人人帶

弓箭輕裘利馳逐馬上誇強健憶昔久承平此
輩渾不見借問前驛名云是三河縣行行急催
車莫待日色晏

道傍土屋

結葦塗泥已有年平鋪全不用陶甄由來北土
民風厚穴處還如太古前

赴三河

遠林斜日已闌珊遙望三河指顧間路轉東南
向東北馬頭忽喜見青山

詠轉蓬

嗟爾本微質飄搖無定時平坡翻最疾高岸轉
還遲吹急憑誰倚颯輕強自持應知順元化聽
命復何疑

曉發三河用過潞河韻

衝寒鬢髮帶霜花曉發三河野興餘日映使旌
聯去馬塵飛官道引行車諸村土室如懸磬一
路童山似聚沙回望神京天北極五雲坊裏
是吾家

詠錯橋

橋在三河縣東大河之側水從南渡而橋不跨水新
倚水傍俗以為誤造也故名之曰錯橋

成梁緣病涉底事棄河堞不見行人度空存堯

石堅水派崩竇外塵沒斷闌前用物嗟非地憑
誰濟大川

赴薊州

晚入薊州界連峰列翠屏林端飛鳥白山罅出
烟青煖磧猶流水寒城未掩扃前旌過憲院假
宿暫須停

漁陽懷古

屹立層城鎮一方使輅行駐古漁陽居民十萬
環戎府甲士三千衛女墻刺史還思歌麥秀沈
兒堪恨託枌房石梁華表岫殘照百尺銀缸躑

水長

薊州察院

曉起晴窓曙色紅雞聲喔喔短墻東庭前古樹
真堪畫枝節槎牙似老龍

曉發薊州

長橋曉度踏虹蜺風物無邊入品題倒站早騎
高鬣馬出關須候薊城雞登山轉覺郵亭遠回
首翻嫌斥堠低日炙風吹兩翁仲野田駢立草
萋萋

赴陽樊驛

導陸逶迤路轉長平原入望景蒼茫緣山伐木
人如蟻夾道封苔石似羊低屋幾椽寒墅小疎
林一簇古祠荒居民汲水臨泉竇擬欲停驂索
碗嘗

陽樊道中

今朝天氣好日暖又無風屋角炊烟白山腰霜
葉紅牛眠村曠上鴉立野田中氣喜呈三白凝
華久未融

望陽樊

漫漫官道直如弦迥野平連萬里天行盡坡陀

山忽遠陽樊遙指樹林邊

赴玉田

飯罷陽樊已夕陽馬蹄又踏玉田疆道傍知是
誰家塚蔓草縱橫卧石羊

晚至玉田

晚入無終縣孤城隱暮笳寒田誰種玉煖井自
飛沙邑治無多里居民幾百家燕山有石鼓安
得問張華

邑古無終縣陽雅伯種玉於此
有井飛沙不絕山有石鼓

曉發玉田

玉田晨發騎初日映宮袍燥壤成龜拆疎林落

鳳毛烏捷帶黃犢白犗領玄羔永濟經前驛征
鞍肯憚勞

赴永濟驛

野曠連南極山高鎮北垂閑田黃犢小深樹白
墩危終日迎升日何時是住時聯鑣有司馬談
笑細論詩

永濟道中

迢迢出遠道塵土著衣輕古樹如人立群山似
米迎籬邊寒犬吠車上午雞鳴望入青天外白
雲何處生

赴豐潤

歷盡長途似掌平高低又復傷山行驅車晚過
高釐鋪亭長鳴金遠候迎

晚至豐潤

古邑臨豐潤雙旌導馬前孤城斜映日一塔遠
擎天黃壤高還下青山斷復連還鄉河不凍流
水尚涓涓

晚發豐潤至七家嶺驛與司馬公連珠

十首

憲府深沉隔縣廳近聞衙鼓接連聲空堂飯罷

無餘事共對銀燈坐待明

共對銀燈坐待明便須躍馬逐車行
稜稜滿地霜華白毳帽貂裘尚覺輕

毳帽貂裘尚覺輕冒寒侵曉出山城
將軍校閱東郊外時聽耳邊笳鼓鳴

時聽耳邊笳鼓鳴豺貅百隊擁強兵
行行直過銀城去氣喜無風日色晴

氣喜無風日色晴馬蹄蹀躞可兼程
克兒山路羊腸轉詩思滿懷無限清

詩思滿懷無限清可堪風物動吟情
忽從山麓

登高嶺萬疊遙峰紫翠呈

萬疊遙峰紫翠呈宛然畫出天成蓬萊莫道
三韓外已覺飛身在閭瀛

已覺飛身在閭瀛錦鞦玉勒導玄旌
望中咫尺臨山驛道左先看候吏迎

道左先看候吏迎行厨午飯餼香杭
使輅又入平瀛界榛子高題市鎮名

榛子高題市鎮名陰崖積雪尚堆瓊
太平時節門無警行過山家犬不驚

詠銀城

豐潤縣東十五里有小城曰基名曰銀城其興築無所考

銀城何代築百畝邑之東廢壘無人戍頽垣有
路通冥冥狐兔窟窸窸草萊叢吊古俄經此西
風感慨中

曉發七家嶺

曉行出門惟一星海上金烏飛不停山根游氣
似水白眼角黛色連空青陟岡馬疾詫奔電下
阪車馳驚震霆邊關嵯峨已入望我欲此去觀
滄溟

過灤河

晚向灤河渡長橋儼似龍中流翠石出遠岸白

沙封冰破水清淺烟消山淡濃行行覽風物隨
處寄吟蹤

曉發永平

境出盧龍道阻脩蟠阿曲磴滯行輶通河泉脉
沙邊湧粘草霜華水面浮山勢入雲渾欲斷嵐
光映日未全收皇華攬纒多清思只把新詩紀
勝游

赴蘆峯口驛

盧龍古遼西我行出其地驅車事晨征重裘禦
寒氣朔風起天末凝塵在襟袂窸窸四山空不

見雞犬吠連峰隔崇岡
巖巖露群鬣躍馬方嶺
顛揚旌復崖際高下路
嶮巖顛顛俛攬轡試問
翠烟中還是撫寧未

蘆峰道中

四山逼人如堵牆着我
數騎行中央風聲簌簌
起木末雪色皚皚凝道
傍曲徑蛇蟠南復北連
岫鳳舞低還昂層巘平
臺信堪躡回首
帝京馳遠望

宿蘆峰口

古驛蘆峰口青山正對
門烟嵐常滿地雞犬自
成村曲徑多虎跡圓沙
留轍痕曉看東嶺上箕
尾近堪捫

曉發蘆峰

曲曲盤盤信馬蹄長途
猶未越遼西穿堦忽訝
玄旌隱轉壑還疑玉節
迷亂石滿山呈琬琰層
冰合澗瑩玻璃西風按
劍高原望頓覺遙天萬
嶺低

過洋河

洋河水上涉如履玉階
平十丈玻璃濶千重翡
翠明馬蹄行處滑車軸
轉時輕又渡榆關水寒

流湧實清

宿榆關驛

寒颯吼樹夜驚人
驀地收聲已嚮晨
海若定知天使過
先令風伯為清塵

曉發榆關

曉別榆林關愛日
明貂裘行行望邊塞
近在東海頭
膏車白沙岡
飲馬清溪流
遙從古城過
星散民居幽
高原騁遐矚
已見洪濤浮
湯湯際天末
雪練無人收
海濱地廣
斥刮耳風
颼颼欲破
萬里浪乘槎
到瀛洲

過海陽城

憶昔唐家事遠征
三軍曾此駐
麾旌于今空有
荒城在
秫獨連畦
盡牧耕

至山海關

萬古邊關險
長城枕海堞
群山近俱伏
百雉遠相連
徧野沙雞小
沿途石子圓
明朝歌出塞
騎馬冒嵐烟

出山海關

已出山海關
更上權喜嶺
陰雲蔽寨廓
沉沉晝光暝
長風西北來
吹面不覺冷
寧知溝垣外
遠

涉沙漠境烽埃高插天屯圍平畫井牛羊恣畜
牧時康靜無警鳴笳雜虎衛怒馬競馳騁牽黃
逐狡兔星飛草頭影雖云閭外行頗使塵慮屏
遙指岩穴明銀蟾墮山頂北山上有穴通明

晚至前屯衛

晚入前屯衛寒城落照催戎管苦厚草官署夾
高槐霜下拆頻擊日升門未開何時滅胡虜為
我撤烽臺

曉發前屯

狼烽不舉邊塵無我行其野如坦途登高望海

不十里拍天白浪東南隅桓桓訶衛皆武夫旌
旗結隊紛前驅口吹虓栗腰帶箭虎韞蛇弓金
僕姑道經後所百不需換馬便欲兼程趨將軍
留飲出郁李玉盤滿貯珊瑚珠東關咫尺近可
呼瞬息到驛日未晡寧知塞外氣更暖坐對高
堂嫌執爐

曉發東關驛

嚴裝發東關駕言事行邁旌旗駐前岡遠近見
戎隊陰雲蔽白日慘淡海色晦長風東南來凜
冽勢可畏群山露洪濤玉雪浸紫翠峯堯蒼龍

尾突兀金鬚背鯨波靜不驚

聖主在寶位始知坤德厚深廣靡不載春意漸
覺回臘盡逼除歲數日到廣寧三陽已開泰

赴曹庄驛

曉行騎馬度前坡滿地霜華着草多遙望海中
山數點白銀盤內擁青螺

浴寧遠湯泉

一脉溫泉海眼通暖雲漠漠水溶溶乍疑腸谷
升羲馭還訝靈淵蟄火龍入戶深藏春滿室解
衣盡滌垢填膏歸來兩腋清風爽馬上看山詩

興濃

赴連山

遙望虹螺山云有虹螺縣遼金及胡元貪土日
爭戰

聖皇務廣德治內勤不倦天地均覆載河海自
清晏白日映滄溟萬里湛藍靛金支與翠旗光
恠互隱現路入八里河飲馬踏冰片甲士健如
虎前驅激沅電我行久據鞍馳逐已覺便回顧
司馬公迤邐隔一箭何事不加策無乃為後殿
一笑指連山到此須倒傳

塔山李將軍逐賊歌

正統十四年十二月廿又七日有胡
寇自錦州踰垣而入至塔山為邏者
所覺舉砲飛報時守禦塔山廣寧衛
指揮同知李榮即率官軍追殺出境
至和州界獲賊馬二疋箭二十枝而
還予壯其武曰賦此以紀其績云

虹螺山北賊所巢夜騎胡馬懸弓刀掘我牆壁
填我濠徑至塔山將繹騷邏者舉砲狼烽高邊
城覺知怒欲鏖將軍年少此建旄早習騎射精

六韜寶劍鐵梢手內操直入賊陳祛腥臊群醜
鼠竄爭遁逃技窮力屈紛呼號奪得兩騎箭滿
橐三軍凱還意氣豪只今兩階舞羽翽邊關有
將消塵囂 聖朝嘉功錫寵褒萬古
帝德歌虞陶

赴凌河驛十二韻

松山聊駐節庭館正當陽鞍卸方更馬筵開迭
舉觴菜嘗蓬子細羨釘豆芽香番使能華語屯
軍問浙鄉出關天未暝陟嶺路何長古澗冰花
白平田野草黃臺高支砲架壘破剩墻匡倦牧

眠山麓閑樵立道傍何曾飛一鳥惟見走雙狼
戍士逢徵調材官善蹶張城斜嫌北倚海闊快
東望今日當除夕凌河暫解裝

元旦寓凌河

客邸忻逢景泰春鏡歌鼓吹競芳辰九霄日月
光華麗萬國山河氣象新遼海花駝方展足凌
河斟酒且露唇丹心遙注 黃金關時向天涯
仰 北辰

小凌河逢張 詔使

道逢 詔使駐沙坡下馬匆匆別話多為報

中朝舊知己今朝已過小凌河

望十三山

離立分明露玉簪醫巫一股出西南近連霄漢
無尋丈細數峯巒有十三海日乍高橫曉翠林
烟初散擁晴藍驛城相對多幽致此去應須暫
解驂

望醫巫閭山

遠望名山氣鬱葱層峰疊嶂倚蒼穹深蟠永鎮
坤維北屹立遙連瀚海東時出雨雲滋萬物每
嚴牲幣視三公翠微隱隱瞻祠廟知是

皇家禮數崇

過平洋橋

垂垂四野碧天圓
照眼睛暉白日懸
立馬平洋橋上望
烟臺星散塞垣邊

過沙嶺

新正五日喜逢牛
沙嶺初過赴海州
忽向平原觀異草
纍纍徧地野人頭

地有草根蟠結如面其草如髮土人呼為野人頭云

遼河道中四首

沙嶺地卑下水流
盡成河馳道高且平
况復橋

梁多

唐太宗征高麗車駕至遼澤泥淖二百餘里布土作橋以渡即此地也

巍巍水神祠對峙
遼河湑下馬入門拜
見有太

史碑

騎馬度遼河百丈
瓊瑤鋪嗟此守邊者
鑿冰時備胡

猶墻出畏途薄暮
猶攬轡回首日西垂
金鉦在平地

赴牛庄驛

日落天空已見星
邊城結隊晚猶行
冰花磊砢粘鬚白
却咲珠璣歛唾成

至海州衛

東岡憶別廣寧行三百里程如掌平終日望山
山又到翠烟環護海州城

赴遼陽

人日遼陽道天晴景倍和鵲巢榆樹徧馬度木
橋多白野平如水青山伏似駝軍前雙甲士聯
轡奏銑歌

曉發遼陽聯句

晴日輝輝映錦袍恂壯游策馬按弓刀一杯已
盡郵亭酒謙萬里將乘瀚海艘六雪近凝東嶺
白恂五雲遙指北辰高明朝便隔華夷道謙

宣布

皇恩屬我曹恂

過高麗衝

曉出高麗衝鳥道通一線人如螻蟻附路若螺
螭旋積雪久未消踏碎瓊玉片回望遼陽城山
罅時復見諸公重離別杯酒互酬勸驅馳南關
出繾綣東亭餞往渡涇水遙何時奉顏面感激
情意深行行載相戀

頭館站道中

我行離家將一月得見好山多賦詩今朝迤邐

出遼左風景逼人真最奇峻嶺登登如劍閣積
雪光搖銀錯落左盤右折岩竇間不知路自何
時鑿陟巘凍合徑有冰下坂馬滑行復停打高
之店攢古木頭館之站橫銀屏戎旅鳴笳在前
麓裂石穿雲振空谷玉龍蜿蜒不飛去相送相
迎爭起伏屯墅遙看屋數椽地沃夾山皆水田
茲焉稅駕向何所垂鞭飲馬湯河邊渡河迢迢
頻返顧落日已西天欲莫浪子村居儻暫投明
發漫漫更由路

過東嶺

陟彼東嶺維路嶮巖若磨之還若階之躋爰有
白雪積在中野我馬踐之如此繁者夷馬則乘
峻馬則下 陟彼湯河維冰堅凝若玉之明若
砥之平爰有嘉魚下維其宅曷為取之亟就我
食豈無旨酒憫此寒色 東嶺二章章十句

宿浪子山下人家

浪子山家古低簷草數層炕頭支木突架上爇
糠燈隔樹聞溪響開門看月升暫須留一宿明
去踏峻增突用大木長丈餘剝去其心為之卓立簷外燈用糠粒
和蘇子油担附于屏骨燒之以代燭

曉發浪子山十二韻

凌晨戎旅發弓箭搖懸腰馬度雙墩水人過獨
木橋雪華浮素練嵐氣展輕綃田黍根猶在林
榛葉未凋荒蹊存舊轍曲徑有遺樵晴旭明金
鎧巖寒襲皂貂背陰山萃律盤道嶺焦堯屈折
峯巒合崎嶇道路遙并陞那可儗劍閣詎能超
幽谷何深僻空村最寂寥多聞藏虎豹惟見踏
瓊瑤新寨行將近應期閱此宵

過盤道嶺

寒溪流水自潺湲路轉峰迴鳥道間臘雪經春
消不盡馬頭面面對銀山

過嶺看山

蒼松爭偃蹇翠石競參差好景如畫分明是
郭熙

宿新寨人家

數間茅屋萬山中夜蕪松明照眼紅三丈土床
通地暖不知門外捲霜風

敬亭三間自西牆轉東通為
一炕炕頭支籠

曉發新寨

終朝策馬亂山中過盡千重複萬重今日又登
高嶺去盤盤踏雪度巖從

登高嶺

楊鞭陟崇岡道狹何險巖緣崖若魚貫屈曲勞
攀躋上合千尺松下臨萬仞谿藤稍射我眼棘
刺鈎人衣巖寒冰雪深十步九滑蹄銜勒不敢
縱戰兢恒自持况復有菑翳橫仆交路岐千金
戒垂堂下馬夫奚疑甲士掖我行氣喘乏力疲
將命向殊域苦辛安足辭

宿連山

入夜簷前雪亂飛起看庭院路渾迷天公知我
東關出特散瓊花襯馬蹄

出東關

連山河面凍渾堅分水嶺頭高挿天今日離京
已一月計程猶未到江邊

過分水嶺六首

曉行出東關去陟分水嶺被酒合眼行馬蹶忽
驚醒

昨夜雪三尺空山道路深寒風彌萬木疑是玉
龍吟

回風捲輕雪滿空飛玉塵飄蕭入襟領故欺行
路人

山木久不伐叅天密似麻路從林下出低首避

槎牙

龍鳳山前路行行逐水潯前茆忽不見又已入
深林

蔓草深沒馬叢林高崦烟何當縱芻牧移近
帝城邊

望龍鳳山

山站名龍鳳行經並馬雙將軍諳舊路感策換
新腔萬壑爭趨海千岩直到江結管須掃雪開
帳倒銀缸

龍鳳山下營

掃雪除荒下野營中軍然火亘天明一聲羅響
三聲砲幽壑深林鬼魅驚

曉發行營

結管負深林四野雪盡掃中堅建牙帳甲士夜
環繞半醉就枕眠虎褥藉芻藁衾寒不成寐已
覺霜氣早晨興理盥漱梳櫛僵指爪飯罷復啓
行鳴笳雪天曉縷縷鬚凍堅冰稼盈樹杪連山
列銀屏恍若在瑤島途窮訝阻絕泉壑限幽杳
迫視豁可通崎嶇入深窈八度斜列嶺巍巍挿
雲表上如登青天下如墮玄沼馬滑不可前跌

我數次倒萬里仗

皇威仰賴天佑保所幸無少傷庶足慰懷抱古
云行路難豈宜專蜀道前驅降平原逐鹿當茂
草上救充君庖設矢寧中牒八度斜列俱嶺名

八度河嶺以東連度五嶺二首

一日行過五嶺東險艱歷盡路無窮未經大庾
游南粵疆域雖殊景諒同

亂山行過數千程耳畔不曾聞鳥鳴今日也知
春氣應深林時弄幾聲清

午飯草河口

暫設行厨傷水頭玉杯春酒薦嘉羞將軍遙指

關山口此外相連是建州建州直地
面南名

望鳳凰山

一鞭征騎夕陽間野甸荒蕪路幾彎今夜相將
何處宿結管知傷鳳凰山

鳳凰山古城

鳳凰山上有荒城黎庶何年此避兵 盛世承
平靜無警女墻崩敗石縱橫

過開州站

曉過開州站平原馬似龍翠堆荆浩石蒼偃董

源松一水中流濶千山兩岸重
聖恩天廣大薄海盡提封

赴湯站六言四首

啄木鳥響深樹偃蓋松歌古田地暖漸消冬雪
山寒淨鎖朝烟

怪石臨溪欲墮流泉下瀨長鳴夾道草滿樹滿
竟日人行馬行

路轉更沿深麓峰迴復露遙岑野多夷使增竈
峪有土民斲參

形勝何殊劔閣崖壑應同會稽不遇愚溪子厚

寂寂無人品題

湯站道中

野甸平如掌荒蕪不計年只疑虞芮讓舉目盡
閒田

曉發湯站

曉從湯站發行管啓道金笳次第鳴度嶺生愁
冰鏡滑繞溪還愛水琴清海東日色迎征騎天
外霜華拂去旌鴨綠春江忻已到遠人爭逐義
州城

過鴨綠江

曾聞鴨綠水今日過江心斷岸千尋闊堅冰十丈深善行東馬健能迂遠人欽異境分夷夏青山自古今

至義州義順館

藩王千里迎 天詔特遣民曹老判書十隊旌
麾環甲騎一行簪笏曳 朝裾揚言庶下音雖
異稽顙階前禮不踈華館筵開多海錯瓦盤銅
筋削冰魚

曉發義順

平明離義順東去入王都山徑連雲巖松橋帶

葉鋪一程腰站短幾處野村孤馬首侏僂子音殊不受呼

過古津江

四串館裏暫停驂又過古津江水東惟有青山常作伴翠華隨處倚晴空

宿良策館

行投良策館結綵護重門拜 詔入盈路開筵酒滿尊竹籬遺制在臺登古風存地榻然薪火通宵寢室溫

曉發良策

朝鮮物產薄寒具苦難周脚着黃麻履身穿白
苧裘海山常不斷官路喜新修前導夷兵滿旌
旗綵綴旂

駐車輦館

鐵山車輦館薄午暫開尊管席平鋪地松亭正
對門笳聲迎日奏旗影逐風翻飯罷導前陸軍
行靜不諠

過東林城

東林古城近海陬空壁無人麋鹿游松瓦石傾頽
滿平地多少荆榛生上頭

宿林畔館

公館筵開處處同十盤蜜板闔玲瓏綵花金雀

高攢頂海錯山玕滿案豐

蜜板以麪和蜜為之重疊板
窗用絨結孔雀五綵花罩罩之

過同廬河

一徑新開丈八寬馬蹄行處土初乾無端又度
同廬水激石清流漱玉寒

過雲興館

郭山嶺下雲興館午宴初收復啓程臘雪盡消
春日暖畬田野燒照入明

過堂於嶺二首

堂於嶺上彊躋攀小石稜稜大石頑躍馬直并
高頂望前程猶有萬重山
並海漫漫道路長暫行平麓又崇岡連山山外
還千疊冷翠寒蕪幾夕陽

赴新安館

遠擊 天詔海東宣行過山州路幾千敬謹可
誇諸郡事鞠躬迎候石臺邊

過達川

新安候館平明發馳馬揚鞭振玉珂遠度達川
橋上去晴虹百尺卧滄波

登嘉山嶺

嘉山嶺何崔嵬峻峻翠石高成堆中有小徑一
線開十盤九折羊腸迴我馬強馳上幾度加鞭
催僕夫喘息汗滿腮却喜風暖無纖埃仰凌絕
頂騁遐矚極目蒼松千萬栽安川之水匹練白
浮空映日青山隈諒非奉 朝命此境胡為來
人生遠游真壯哉伏櫪飽秣嗟驚駘登高能賦
我何有對景短章聊爾裁

過嘉平館

我愛嘉平館正傍嘉山口長松翠成林鬱鬱環

戶牖郡事敬 朝命拜 詔頻頓首留我奉一
飯張筵數巡酒 日具躍馬去修途厭奔走前瞻
捩崔嵬傷顧皆培塿竟日萬山中韉策常在手
髀肉日已消面色漬塵垢博川與安川二水涉
瓊玖薄暮入安興暫憩息雙肘

安興館席上却女樂

安興公館盛張筵雲鬋霓裳列管絃姑射有神
多綽約廣寒無夢戀嬋娟剗風吹散陽臺雨烈
日衝開洛浦烟休把聲華汙耳目此心元似廣
平堅

晚發安興

長松百尺翠成林接葉交柯結晝陰騎馬直穿
幽徑裏霏霏蒼雪灑衣襟

至肅寧館

安興晨發冒嵐烟怒馬如飛不用鞭七十里程
俄頃到仰看紅日未中天

過於坡嶺

九折於坡嶺修途日駿奔吟詩懷謝朓策馬念
王尊幽徑鑿山骨古松蟠石根行經岩赤水沿
遡欲尋源

平壤道中竹枝詞三首

秃袖青衫一樣裝
闊簷草帽雉翎長
兩行馬首如飛走
土俗傳呼是刺張
刺張者猶中國
阜隸也刺上声
身穿紅襖手持兵
騎馬成隊向前行
西京此去無多路
打鼓揚旗來遠迎
幾人裝辦作番僧
寬披直掇誦伽楞
更有老胡來縱獵
馬上番身臂皂鷹

至平壤府

平壤漢玄菟包山
建城郭居民夾城
住星散皆村落奉
詔抵近郊遠近動
鼓樂龍亭覆黃

繖隊仗高擎握
沿途陳百戲顛倒
互觝角綵輿向前
導搖曳爭權躍更
有大字書旗播半
空卓上書何所云
太平事耕鑿鰲山
兩相倚工巧勞結
縛伶人競歌舞誼
呼振寥廓士女億
萬計走視笑且曠
借問此誰為觀察
使韓確下馬入館
門冠帶集僚幕再
拜仍稽顙禮儀忻
卒度出使期不辱
眩詎非我樂但令
海東陲常戴皇恩
渥

宴大同館

玳瑁筵開慶華堂
盛禮儀彬彬搃冠
帶忘却是

東夷

過大同江

即古浪水也在平壤城東

大同江水闊凍合似鋪瓊迤邐遙通海縈迴近
繞城不愁行處滑惟畏裂時聲涉岸皆平壤州
名喜稱情

駐生陽館

可愛生陽倚翠華統林梨樹密交加芳春白雪
枝枝滿到我回時正着花

登黃州濟安樓

日斜來眺濟安樓拂檻風光景倍幽只把青山

當城郭萬家籬落繞黃州

過黃海道

河水漸解映春暉習習東風入面微最喜今朝
天氣暖眼前忽見小虫飛

望海

水色山光一望中置身知在海之東連天鰲背
千尋出坼地鯨波萬里通謾說乘槎能犯斗且
須騎馬自迎風平生八九吞雲夢今日曾襟覺
倍雄

登鳳山樓

卓午經過暫解鞍，鳳山樓上倚闌干。牡丹莫把輕吹放，為報東君待我看。館有牡丹未發

至龍泉館

候館深依紫翠間，晚來塵土滿容顏。煩渠繞屋收帷幕，好放雙瞳看碧山。

曉發龍泉

曉起天忽暝，遲明離瑞興。海山猶有雪，石磧已無冰。鳥哢如迎客，松交似得朋。高山頻仰止，騎

馬拂雲登

瑞興郡名

赴安城館

清溪漱玉淨，接藍萬朶芙蓉影。倒影涵岸幘，飛觴臨釣石。桃花春水憶江南。

駐寶山館

行過安城又寶山，軒窓隨處露烟鬟。庭前最愛雙松古，月夜誰看白鶴還。

過平山嶺

嶺頭土色盡赭紅，幽壑蒼蒼植萬松。想是山靈秉炎德，飛身疑上祝融峰。

曉發金岩館遇雨雪二首

信馬徐行細雨中，綠蓑過膝草蒙戎。平生漫有

江湖興今日分明一釣翁

兩餘散作雪繽紛山霧連空實不今披得一蓑
岩壑裏馬頭衝破萬堆雲

過義興館

萬壑雲烟失翠微飄飄密雪點征衣服看半月
春方到何事漫空柳絮飛

至金郊館

雨雪交飛到地融野田優渥驗年豐九重天
上多膏澤分得餘波及海東

至開城府

開城舊王邑民物頗庶繁延袤甃石甃屹屹環
重垣鱗次列萬瓦櫛比開千門詔命甫及境
羽衛如雲屯老稚夾道觀士女就地躄旌旗遠
相接獵獵風中翻萬里使三韓宣布
聖主恩臣僚盡恭順益見朝廷尊

開城席上却女樂

朝鮮秉禮敬朝廷遠命賢甥結宴迎五色翔

鸞筵上翥一行飛燕掌中輕陽城下蔡邕能惑

暮雨朝雲枉自行肯惜春風花盡落燒燈傳盞

有餘清

翔鸞請花尊也

渡臨津江尹戶曹朴觀察舟中設宴詩
以荅之二首

春早臨津江已泮畫船蕩槳渡中流東君愛客
多佳致共對青山汎酒甌
雪霽寒風拂面吹水軒對酒興偏宜主人只恐
臨東岸却放扁舟款款移

赴王京

路入王京夜氣寒兩行紅炬照征鞍好山過盡
知多少不得分明着眼看

遼海編卷之一